

Goeienaovond Luu,

Ik zol hier kunnen proaten vanuut mien positie as woordvoerder van alle Minicampings in Bronckhorst of as bestuurslid van Het Veldhoeks Belang moar.... Ik proat noe zoas dat heit :

Op persoonlijke titel.

Ik bun Henk Wentink ik wone in de buurtschap Veldhoek.

Ik zet gelieke een Achterhoeksen pet op, want ik schame mien de laatste tied dat ik Bronckhorsternaar bun.

En dat kumt deur 't gemeenteluk beleid, uitgevoerd deur ut College en de Road.

Eerst dat geklungel met ut Afaval en noe weer ut gedonder oaver de Windmullens.

Jullie bunt bezig met de verloedering van onzen mooien Bronckhorster natuur.

En die vroagenlieste, woaroaver jullie goat proaten, van dat Onderzoeksburo Het Pon & Telos, , dat was helemoal un lachertjen.

Bie zo'n vroagenlieste verwachte as eerste vroage: Bent u voor of tegen Windmolens?

Meer as 90% zol dan ezeg hebben, wie bunt tegenstander van windmullens, zuuk moar noar een andere manier van energieneutraal wèzen.

Moar niks heur, vroagen zoas : Stel dat er windmolens komen, wilt u dan windmolens van 150 of 250 meter hoog?

Kun gelieke met wetten, dizze vroagenlieste is in mekare geflanst deur veurstanders van de windmullens.

.....Die bunt d'r schienboar ok nog. Bie jullie in de Road proat ie dan oaver MANIPULEREN ik zegge dat is VOLKSVERLAKKERIEJE.

En dan de vroage: Stel dat er windmolens moeten komen, hoe staat u dan tegenover persoonlijke investering of financiële deelname. Dat bunt dan zogenaamde financiële lokkertjes.

Ik zegge dat is:..... UMKOPERIEJE.

Dus Road niet langer lullen oaver die windmullens, in de versnipperraar met ut onderzoek, en lusteren noar de inwoners van Bronckhorst. Wie mot die windmullens niet.

Um toch niet zo brommerig oaver te kommen, de burgemeister zei letterlijk; Hij is een beetje brommerig,hek un cadeau met gebracht veur dun verantwoordelijken wetholder, meneer Paul Hofman. Een windmulleken Ik heb d'r ok nog een advies bie,

.....

ZET UM VEUR OP DE FIETSE, FIETS TEGEN DE WIND IN, FIETS OAVER DE GEMEENTEGRENZE, OAVER DE PROVINCIEGRENZE EN OAVER DE LANDGRENZE...

Dit was mien uitspraak en doar mot jullie ut met doen!!!